

中国边疆研究资料文库·边疆史地文献初编

西南邊疆

第一輯

中国边疆研究资料文库·边疆史地文献初编

西南邊疆

第一輯

勘處播州事情疏

何喬新撰

紀錄彙編卷之五十一

勘處播州事情疏

何喬新

題爲隱匿賊情謀陷城池欺罔 朝廷擅作威福僭
禮犯分枉殺人命毒害軍民謀害期親詐傳 勅旨
妄造妖言謀爲不軌邀截實封阻當伸訴變亂成法
倚法爲姦貪淫酷暴敗倫傷化魘魅不道等事節該
欽奉 勅茲特命爾同錦衣衛指揮劉綱備詞前去
四川會同鎮守太監劉雅巡撫右副都御史劉璋巡
按監察御史何鈞親詣播州撫提事內干證人犯并

弔應查文卷將各奏內事情從公逐一審勘明白干礙宣慰使楊愛宣撫楊友都指揮楊綱叅政謝士元副使翟庭蕙及事有應回證者就便撫提楊友楊愛并行提楊綱等回證虛實有應委官勘檢者行取附近湖廣三司堂上官公同勘檢贓物家財等項應追理者追理僭用器服等物應入官者入官被攻城寨從長處置應否開設府縣學校亦就定奪有罪人犯依律議擬情輕者各照常例并土俗事例先行發落情重者牢固監候若楊友等挾讎妄奏各有不實亦要具情問結通行奏來定奪欽此欽遵又該臣等題

爲勘提處置夷情事節該奉 聖旨恁到播州事當
對證的撫提楊愛楊友面對虛實卽省發聽候不必
監禁欽此又據四川重慶府申抄蒙巡撫四川都察
院右副都御史劉 案驗准本院咨該本院題該播
州宣慰司長官張淵弟張深奏爲僭擬宮禁名號交
結 親王潛謀不臣縱爲不法等事本院看得所奏
事情與楊友等先奏情詞多有相同欲行侍郎等官
何某等通提併勘問結果礙唐王奏 請定奪等
因具題奉 聖旨是張深旣係楊愛原奏同謀人數
還差的當人員押解去交付何喬新等併問欽此又

准本院咨該播州宣化長官司長官何清弟何洙奏
爲謀爲不軌殘殺人命橫取民財欺罔不法等事該
通政使司官奏奉 聖旨都察院知道欽此本院看
得所奏情詞與楊友楊愛奏詞內姓名事情多有相
同備抄各詞轉行臣等併勘又准本院咨該本院題
該播州宣慰使司宣慰使楊愛等奏爲姦黨欺罔謀
害土官殺死人命擾亂地方邊夷等事及草塘安撫
司安撫宋韜黃平安撫司安撫羅賁容山等又長官
司長官張經張通毛釗楊玉鄭旭輪署司事舍人李
勲等各奏稱宣撫楊友兄弟及何清等奪占地方擾

亂蠻夷引惹邊釁激變夷民等情本院看得各奏情
詞與楊友張深等先奏事干一連欲行侍郎等官何
等會同鎮守巡撫等官劉雅等併勘中間奏有虛
詐亦就撫提問結等因具題奉 聖旨是欽此又准
本院咨該本院題該宣慰使楊愛奏爲欺誑 朝廷
妄捏賊情違法謀害土官懼罪擅帶軍夷出境不守
地方城池等事看得所奏與楊友等先奏事有干連
合行差官齎文交與各官併勘施行等因具題奉
聖旨是欽此欽遵抄詞轉行臣等行據湖廣都布按
三司委官都指揮僉事房昂右叅議李俊僉事洪廷

臣將勘過緣由連人犯呈解前來除被攻城寨及應
否開設府縣學校另行處置外會同 欽差鎮守四
川太監劉 巡撫右副都御史劉 巡按監察御史
何 問得犯人張淵招認播州宣慰司隨司辦事長
官洪武初年有播州沿邊安撫司安撫使楊鏗率屬
投順 欽蒙改安撫司爲宣慰司陞楊鏗爲宣慰使
撫治民夷楊鏗病故伊男楊昇孫楊綱曾孫楊輝相
繼襲職宣德正統年間楊綱不合買到土民吳慶長
壽黃保福僧義保九保小進保大朱保元保閹割爲
火者在家使喚景泰天順年間有楊輝亦不合收買

土民并苗人曾保王壽陳玄卽何宸玄大進保唐奴
福庸范蠻羅保福元觀音張沅何勝昌王福善宋慶
祥王永貴石超祖張保吳誠四保張永富楊善琴童
王慶仁壽李馬龍章及已故王景德祿壽雲壽卽童
壽小鄧卽福壽私自闡割使喚有吳慶等明知於例
有違各亦不合在伊家住過景泰三年正月內有寨
老袁昱等思得本州稅糧遞年運赴貴州興隆等倉
上納搬運本色艱難告願折納輕齎銀兩楊輝准令
各里每米一石折收苗銀一兩類解該倉買米上納
彼時苗蠻反叛 欽差總兵官靖遠伯王驥領兵征

勦楊輝輸粟以助軍餉蒙 賜勅獎諭本年十二月

內楊輝要表彰 朝廷恩典起立坊牌上寫 勅賜

二字景泰六年四月內楊輝訪知馬湖府土民李鑑

等在於本州地名花崖溪偷砍杉木數多楊輝帶領

土軍人等將李鑑等趕散遺下杉枋二千餘塊令冠

帶民人聞昂借倩赤水等里人民運至水次差頭目

蘭希真韓璽等裝至南京等處賣得羅段三梭共值

銀一千三百餘兩交與楊輝收訖天順三年間楊輝

因妻余氏無子又娶田氏爲妾天順八年七月十七

日田氏生男楊友本年十月初九日俞氏生男楊愛

以後田氏又生男楊敏楊啟楊敷俞氏又生男楊孜
成化三年八月內本司長官何庸病故戶絕有伊族
姪何熙慶不合捏稱係何庸嫡長男告襲前職楊輝
不合准信拘集親族里老審取結狀備申四川都布
按三司覆勘具 奏准令冒襲前職成化五年閏二
月內有忠州等處逃民劉鈔等在於直州長官司管
下瞭蠻坎等處偷挖鉛鑛蒙四川布政司左叅政陳
述等督同楊輝將劉鈔等趕散棄下黑鉛約有五百
餘擔當將前坎填塞楊輝自合將前項黑鉛入官不
合令人運至地名三溪寄頓土民趙月升家成化六

年月日不等有陝西樂戶劉壽劉鑑郭福亮張順爲
因本處艱難各不合迺來本州趁食住過成化七年
九月內俞氏病故楊愛年方八歲田氏掌家妬悍要
將伊男楊友承襲百計謀害楊愛有火者長壽極力
保護得免於死成化九年十月內楊輝差蘭希真并
頭目王標趙進將黑鉛四百擔裝至蘇州等處變賣
得銀六百兩帶回交與楊輝收訖餘有一百擔仍在
趙月升家頓放成化十一年間楊輝得患暗風病證
聽信田氏巧說楊友係是長子合當襲替是淵不合
阿順勸楊輝將楊友替職有安撫宋韜長官毛釗等

俱稱楊氏家法立嗣以嫡不肯保結有本司典吏顏珪素被楊輝寵信亦勸楊輝將楊愛爲嗣楊輝因衆心不從只得具奏致仕將楊愛替職楊愛年幼一應政事俱係楊輝主張田氏專掌家事莊田子粒并家財金銀羅段等物俱係田氏收掌楊愛並不得干預本年六月十二日蒙勅楊愛量起土軍跟隨四川等處總兵等官征勦大壩山都掌事寧之日差人繳勅楊愛不合故違一向不行進繳楊輝因溺愛楊友意要分割本州地土另立衙門寅緣授以官職是淵與姐夫何清已故頭目徐泰馮瞰并楊輝婿俞

溫田豐姪楊夔各亦不合要圖陞官密與楊輝謀說大壩山地方原屬本司與容山重安地方相近今被生苗占據莫若請兵征討克平之後就將容山重安所管夷寨分割另立宣撫司着大官久做宣撫却不好等語楊輝喜允差人拘喚容山長官司長官韓瑄重安長官司長官張通各帶印信前來本司商量成化十二年正月內韓瑄張通來到本司楊輝分付各官着令各申生苗占據大壩山煽惑重安容山夷寨爲惡不納糧馬等因有韓瑄回說各司土民一向納糧當差不敢妄申楊輝怪怒喝出是淵與何清各又

不合對楊輝言說韓瑄打攪若不懲治事終難成本
月二十日楊輝令人叫韓瑄到司唱令失記名皂隸
將韓瑄責打六十大棍纔扶回家至本月二十八日
因傷身死張通懼怕只得依從楊輝就行捏稱大壩
山原係本司懷遠府故地景泰年間被山苗占據煽
惑熟苗爲惡不服撫化乞會兵征剿等詞令楊愛出
名具奏蒙 勅巡撫四川都察院右副都御史張瓚
領兵征勦張瓚明知楊輝先已致仕又奏起伊領軍
協力攻取官軍到彼不曾交鋒苗人强者逃散老弱
告願投順楊輝囑託張瓚要於彼處設立安撫司并